

**TEKS DOA  
MAJLIS PELANCARAN  
KEMPEN HIDUP SIHAT CEGAH ROKOK DAN VAPE KEMENTERIAN  
PENDIDIKAN MALAYSIA TAHUN 2023**

بِسْمِ اللَّهِ الرَّحْمَنِ الرَّحِيمِ  
الْحَمْدُ لِلَّهِ رَبِّ الْعَالَمِينَ وَالصَّلَاةُ وَالسَّلَامُ عَلَى سَيِّدِنَا مُحَمَّدٍ وَعَلَى آلِهِ وَأَصْحَابِهِ أَجْمَعِينَ

**Segala puji bagi Allah tuhan pentadbir seluruh alam, selawat dan salam ke atas junjungan Nabi Muhammad S.A.W, ke atas keluarga dan sahabat Baginda.**

**Sesungguhnya di hari yang barakah ini, kami menadah tangan kepada-Mu, merafakkan kesyukuran dan pujian terhadap-Mu, atas kurniaan nikmat-Mu yang tidak terhingga. Kami juga memohon inayah-Mu semoga Majlis Pelancaran Kempen Hidup Sihat Cegah Rokok Dan Vape Kementerian Pendidikan Malaysia Tahun 2023 di sekolah ini menjadi wadah untuk memartabatkan perpaduan dalam kalangan warga pendidikan, warga sekolah, rakan-rakan strategik dan juga masyarakat setempat .**

**Ya Allah ya Tuhan kami,**

**Kami memohon dari Mu ya Tuhan, kurniakanlah kepada kami kesatuan hati, emosi, minda dan tindakan, dalam melaksanakan amanah yang besar dan tanggungjawab yang diberi taklifan,**

**Ya Allah, jauhkanlah generasi kami, anak cucu cicit kami daripada menghisap rokok, vaping dan mengambil dadah terlarang. Sematkan dalam hati kami semua agar sentiasa mengatakan TIDAK KEPADA ROKOK dan VAPE. Semoga dengan itu, kami mampu menempa kecemerlangan bagi menaungi dunia pendidikan, mengangkat matlamat karamatul insan melalui pembentukan sahsiah, adab dan integriti yang menjadi tonggak ketuanan dan ketamadunan ke arah Malaysia Madani.**

**Ya Allah, Engkau mengetahui hati-hati ini telah berkumpul kerana kasihkan-Mu. Bertemu dan patuh pada-Mu. Bersatu memikul dakwah-Mu. Hati-hati ini telah berjanji setia. Mendaulat dan menyokong syariat-Mu. Maka eratkanlah akan ikatannya. Kekalkan kemesraan hati ini. Tunjukkan ia jalan yang sebenar. Limpahkan dengan cahaya Rabbani Mu. Yang tak pernah padam dan lapangkanlah dengan iman.**



Ya Allah Ya Rahman Ya Rahim,

Perkenanlah doa kami, agar segala usaha yang kami lakukan selama ini, mampu membawa citra yang besar dan murni, mengangkat martabat dan menjulang tinggi, dunia pendidikan yang kami cintai. Jadikan keikhlasan niat kami, sentiasa dijaga dan terpelihara di hati. Walaupun kami tahu ya Allah, banyak perkara mengundang resah, dilingkari ujian dan diselubungi mehnah.

Semoga kesungguhan kami beroleh barakah, sepanjang hidup dipandu hidayah. Semoga semangat kerjasama yang kami tunjukkan menambah mawaddah disuntik rahmah. Menambahkan kasih sayang mendinginkan ammarah. Qalbu yang suci mengembalikan fitrah.

رَبَّنَا آتِنَا فِي الدُّنْيَا حَسَنَةً وَفِي الْآخِرَةِ حَسَنَةً وَقِنَا عَذَابَ النَّارِ  
وَصَلِّ عَلَى مُحَمَّدٍ وَعَلَى آلِهِ وَصَحْبِهِ وَسَلِّمْ وَالْحَمْدُ لِلَّهِ رَبِّ الْعَالَمِينَ

